

CICIKOANBADIEGU

GUFENEMA MASOAGINDO

BULICINA FASO

Ti baa dógú pò, li yaa dani kúuma, ti baa paadí

**BAALO KOANBALA TAANLI
JAGA DOAGIDIMA**

(PP-G N°009-2025)

Pengidiwende Silibeedi WEDIRAWOGO

Wagidugu, li binli 2025 citaa dana 12

Baalo Koanbala taanli den kali Wagidugu
nani ban maani ki tiedi maama dana lele kuli,
li binli 2025, citaa dana 12, alaalibu daali
ki cili leeri 9 yogunu ki ban gbeni leeri 12 leni miniti 50.
Kapitenni Ibirayimi TARAWARE, yua n tie ti Diema Yudanciamo
leni a Koanbala Taanli Liigiyua n den gobidi laa taanli.

A Koanbala Taanli den noanli li daali mayula nni
ki taa a jaga, ki puni i laabaali,
ki dini bi niba a bala li tuonli po,
ki puni u sanu bi niba n gedi dietoama nni ti Diema yeli po.

I. A JAGA

I.1. YAA KOANBADIEGU N DIE TI DIEMA GUUDIMA LENI A MINTEELIKPELA MAAMA

A Koanbala Taanli taa **masienkaama tili** ki tuo ban bogini yaa mabilikaama a minteela leni li guunli jakoanda loagu diegu tuona gagidima po.

Laa masienkaama tili taama baa teni a minteela leni li guunli jakoanda loagu diegu n baa yaa mabilikaama n dagidi a tuona cenli ŋamu po ke li yegi leni yaa mabilikaama tili n den taa li binli 2014, cilele 24 daali ke li lanba tie 2014-611/PRES/PM/MEF ki doagidi Baalo saliwudo tuonsoandiedi yaadi n tuugi leni u loagu kubima tuona gagidima mabilikaama.

I.2. YAA KOANBADIEGU N DIIDI TI DIEMA LOAGU LENI I LIGI

A Koanbala Taanli taa **tiwaankaana naa (04)**.

Li tiwaankakpiali tuugi leni Bulicina Faso leni li ŋanduli banko n den **maadi ki dagini** ki tuo ki ñii li panli siedi tili ke li lanba n tie 7695-BF leni bu paabu siedi tili ke li lanba tie GFF n° TFC 6804 leni GFF n° TFC 6805 li binli 2025, cilie 12 daali yaa tuonsoanjaali n moa u yogunu kuli bi niba laafiali ŋamu tuona po.

Yaa ligi n bua laa tuonsoanjali tuona soanma po taani ki tie **miliadi 103 703 161 644 sefa ligi nni**, laa ligi nni, yaa cagili n moa mi findima li ŋandunli nni kuli po ke bi yi li IDA n baa ñani yaa ligi tie **miliadi 93 145 178 800 sefa ligi nni**, bu paabu mo yaa ligi tie **miliadi 10 557 182 844 sefa ligi nni**.

Laa tuonsoanjaali mayuli tie ki pugini bi niba laafiali paalu ki go teni bi niba n yaa baadi yaa buuma n ŋani ti logitodiedi nni, ki ban cie mo a tadima leni a nibiada n teni ke yaaba n ñani bi doginni ki ban kali dotoe nni. Yaa tuona n gagidi ki baa soani n tie ne :

- ki teni a puotugipunba, bi puomadiba, a canpanda, a biwaala leni a bicegidinkaana n yaa baadi yogunu kuli i yiani paanma buuma ti logitodiedi nni ki go di mi jeŋanma ke li dagidi ;
- ki tuodi ki bogini ki guudi bi niba laafiali leni yaa tuona n bua tonma kuli bi niba laafiali paalu po;
- ki todi ban bogini yaa tuona li laafiali fuuli nni ki baa teni i ligi n yaa koa yogunu kuli, ki go yaa kubi laa ligi ŋama ke nili kuli baadi yogunu kuli mi buumoanma.

Laa masienkaama tili taama baa doagidi ke Bulicina Faso leni li ŋanduli banko den tuo ki taani ki ñii li panli leni bu paabu siedi tila li binli 2025, cilie o 12 daali ke li go ŋoadi leni yaa balimaama n den taa li binli 2024, piiga n cilie 20 daali ke mi lanba n tie 40-2024/ALT ki waani ke Guverinema pia u sanu ki tuo Bulicina Faso leni o todikaaba n taani ki ñii yaa siedi tila i ligi baama po.

Li tiwaankalieli tuugi leni yaa **maadidaginma tili** n puni u sanu Guverinema n tuo Bulicina Faso leni Afidiki diema findima banko (BADI) n den taani ki ñii yaa ligi ke li tie pana li binli 2025, cilie 03 daali yaala n tie a dojaana sani tienma po leni li sancenli dingima tuona yaa n baa kpa cili ki soani po.

Laa tuona ligi kuli taani ki tie **miliadi 148 309 69 442 sefa ligi nni**, laa ligi nni Afidiki diema findima banko (BADI) n baa todi yi mo tie **miliadi 55 272 165 500 sefa ligi nni**.

Yaa tuona n baa kpa cili ki soani a dojaana sani tienma leni li sancenli dingima po baa pugini li sancenli leni u kpendu paalu mi diema tingbanu nni leni resiyoninba kuli nni.

Laa tuona baa soani bina muu (05) po Ho-Baseni leni Kasikadi resiyoninba nni.

Tin guu yaala laa tuona yaa soani ki gbeni yaa yogunu n tie ne:

- yaa sanu n bi bua mi ŋanbima guani ki ŋanbi yaala n pundi dajena(km) 70,3 ;
- pavenba bili u sanu yeni nni yaa dajena (km) n pundi 10
- a dojaana nni i sani tieni ke li pundi dajena (km) 50;
- yaa tiabu n kandi Leraba kpenu(km 100) ki kua Mali diema nni ŋanbi;
- ti tuonsoandiedi (logitodiedi, cogidiena, nicaga diena, leni dietoana) máá, bi guani ki ŋanbi.

Laa maadidaginma tili taama teni ke Guverinema leni Afidiki diema findima banko (BADI) juogi ki dagidi li panli yeni po ke li ŋoadi leni yaa balimaama n den taa li binli 2024, piiga n cilie 20 daali ke mi lanba tie 40-2024ALT, ki waani ke Guverinema pia u sanu ki tuo Bulicina Faso leni o todikaaba n taani ki ñii yaa siedi tila i ligi baama po.

Li tiwaankataali tuugi leni ban bogini yaa **masienkaama tili** ki baa lebidi yaa masienkaama tili n den taa li binli 2023, cipiiga 06 daali ke li lanba tie 2023-1312/PRES-TRANS/PM/MEFP/MSJE, ki cilini Baalo saliwudo tuonsoaba gobidima tuonsoandiegu (EPA) ban go yi yaagu « Bulikina Suudu Bawde » (BSB).

Yaa masienkaama tili n cilini Bulikina Suudu Bawde (BSB) tuonsoandiegu yeni guari lebidima nni, li boncanla tie ke laa tuonsoandiegu naa go pia sanu moala ki teni mi bangima siedi tila li yaa ji tie u cogu biigima leni mi bangima sieditila tuonsoandieciangu yaagu n ye a bicegidikaana cogu leni mi tuonsoanbanma bangima koanbadiegu kani yáá kà.

Laa masienkaama tili taama baa teni ban fidi ki guani ki lebidi yaa masienkaama tili n den taa li binli 2023, cipiiga 06 daali ke li lanba tie 2023-1312/PRES-TRANS/PM/MEFP/MSJE ki cilini Baalo saliwudo tuonsoaba gobidima tuonsoandiegu (EPA) ban go yi yaagu « Bulikina Suudu Bawde » (BSB).

Li tiwaankanaali tie a minteela leni li guunli jokoanda loagu diegu cilima.

Nani bi niba yema guunli tuona n yabi maama, ki luodi a sanbila a minteela leni li guunli jokoanda sancentiadi leni bi miana yema tiadi baama po ke li dagidi tie tiladi bonle. A minteela leni li guunli jokoanda leni bi diedi niba kuli naa fidi ki baadi li bonjekaala leni bi miana yema tiadi nani lan dagidi maama. Laa bonla wudi bi gbani ki go tie dadingu bi tuona po.

Ki cilini a minteela leni li guunli jokoanda loagu diegu, kun yaa tie Baalo tuonsoandiegu u loagu kubima tuona po, tie yaa jagili n baa mangi a minteela leni li guunli jokoanda leni bi diedi niba kuli pala ki go teni ban yaa baadi ki dàà ti tiadi buoli kuli leni yaa dunga n mani.

La masienkaama tili n sugini yaala, li tianla n ne :

- ki pugini mi diema nni todiyaba gbamanu a minteela leni bi diedi niba po ban yaaba n koani yogunu kuli leni a nibiada ;
- ki pugini a jokoanda papaali bu toabu nni ki go teni bi yema nni li bonla kuli n dagidi bi po ;
- ki teni minteelicagili n ye naani kani kuli leni resiyoninba nni kuli yaa sanbili n moani ki baa yaa tendi a minteela n bua yaa tiadi n yaa ye.

Laa masienkaama tili taama baa teni ban cilini a minteela leni li guunli jokoanda loagu diegu lan todi bi yema leni bi diedi niba yema n nanbi ki pugini.

I.3. YAA KOANBADIEGU N DIE TI DIEMA LENI DIETOAMA SIIGA TUGINMA, TI DIEMA LENI I NIBOANDOGI JUOGU LENI TI DIEMA NIBA YAABA N YE DIETOAMA NNI MAAMA

A Koanla Taanli taa **tiwaankaana taa (03)**.

Li tiwaankakpiali tuugi leni ban **bogini yaa masienkaama tili** ki baa sieni Bulicina Faso n soani yaa tondo Bulikina niba yaaba n ye Isimiri dogu nni tila tienma po Tirikiyi diema nni.

Bulikina Faso niba yaaba n ye Isimiri dogu nni tila tienma tuonsoandiegu den luodi leni yaa masienkaama tili n den taa li binli 2013, piiga n cilie o 12 daali ke mi lanba tie 2013-1131/PRES/PM/MAECR/MEF, ke yaa masienkaama tili n den taa li binli 2013, piiga n cilie 12 daali leni yaa lanba n tie 2013-1131/PRES/PM/MAECR/MEF mo yuandi ki dini Halili KUKUKIBAYI li bali ke o tua Tondo Isimiri dogu nni ti diema niba tila tienma po.

Ama Bulicina Faso Tondo yua n ye Ankara dogu nni den waani ke li pundi yogununba ke Bulikina Faso niba yaaba n ye Isimir tila tienma tuonsoandiegu naa go tuuni, ki sua hali leni moala mo ti diema naa fidi ki baa ki maadi leni tin soani yaa tondo laa tila tienma tuonsoandiegu kani. Moko, ti diema niba tila tienma tuonsoandiegu naa go ye Tiriki koanbadiegu yaa gu n die Tiriki diema leni dietoama siiga tuginma coal i nni.

Laa masienkaama tili taama baa teni Halili KUKUKIBAYI wan yua n bi tie Bulikina Faso Tondo mi diema niba yaaba n ye Isimir tila tienma po tuona n sedi nani yaa masienkaama tili n den taa li binli 2024, cinaa 17 daali ke li lanba tie 2024-0453/PRES-TRANS/PM/MAECRBE/MEFP ki doagidi yaa balimaama n yegi leni Bulikina Faso niba tila tienma tuonsoandiedi luodima leni Bulikina Faso tonda dotoe nni laa tuona po n nɔadi maama.

Li tiwaankalieli tie miabu Bene diema Tondo bali dinma Bulicina Faso nni.

A Koanbala Taanli tuo ke o joa **Silidasi Habib Biñon AGONKAN** n yaa ye Ñame, Nisieri diema nni ki tie Bene diema n soani yaa Tondo Bulicina leni Bene diema siiga nantaadi po.

Li tiwaankataali tie miabu Gabon diema Tondo bali dinma Bulicina Faso nni.

A Koanbala Taanli tuo ke o joa **Fabirisi BUSUGU BUSUGU** n yaa ye Abija (kotivoiri diema nni) ki tie Gabon diema n soani yaa Tondo Bulicina leni Gabon diema siiga nantaadi po.

I.4. YAA KOANBADIEGU N DIE I LAABAALI, KU MAASUAGU, I NII TAGIMA LENI YANLUADI GOADA TUONA

A Koanbala Taanli taa **masienkaama tili** ki doagidi yua tudi ban bili yaa balimaama silima, ti junjuntalinkaadi diidima leni ti yandi nannana tuona po buudi n baa noadi maama Bulicina Faso nni.

Laa masienkaama tili tie yaa balimaama n den taa li binli 2024, cipiiga 20 daali ke mi lanba tie 041-2024/ALT ki doagidi Bulikina Faso nni silima, ti junjuntalinkaadi diidima leni ti yandi nannana tuona n bogini maamaa.

Bulikina Faso maasuadi n yabi maama po ti diema sugini ki teni silima kpaagima tuona n pugini ki go baa u gbamanu u kpendu sanbila nni hali maama ke li baa cuani mi findima mi diema loagu leni mi diema niba yema njamu po. Ki bogini laa tuonjaali leni li bali magobidikaama tie tilade bonla yaala n baa teni ban baa ki yaa gobidi yaaba n tuuni silima tuonli ki go teni yua kuli n fidi ki pugini o banma o tuoncagili nni.

Laa masienkaama tili sugini ki pugini ban taa yaa jaga leni yaa balimaama ki bogini silima, ti junjuntalinkaadi leni ti yandi nannana tuona ki go teni ban jia tonma yua miidi laa balimaama buudi.

Laa masienkaama tili taama baa teni silima, ti junjuntalinkaadi leni ti yandi nannana tuona n bogini nana nani yaa balimaama n den taa li binli 2024, piiga n cilie 20 daali ke mi lanba tie 041-2024 /ALT, ki doagidi silima, ti junjuntalinkaadi leni ti yandi nannana tuona n bogini maama Bulikina Faso nni.

I.5. LI LAAFIALI KOANBADIEGU KANI

A Koanbala Taanli taa **masienkaama tili** ki guari ki lebidi yaa masienkaama tili n den taa li binli 2011, piiga n cilie 30 daali ke li lanba tie 2011-1051/PRES/PM/MS/ME, ki waani ban baa (fini) poabini o tabo maama ki go diani yaala i tabimuani po Bulikina Faso nni ki tuugi leni ban lebidi ki taa yaa masienkaama tili li binli 2019, ciluoba 26 daali ke mi lanba tie 2019-0676/PRES/PM/MINEFID/MS/MCIA.

Tobako Atilasi 2017, li tabiñuli cagili lá ke Bulikina Faso nni, o tabo n den kpaani yaaba binli kuli cie niba 4 800, laa niba siiga, yaaba n kaa ñu tabo ke i tabimuñi mo kpaani ba pundi niba 1 300.

Yaa masienkaama tili n den taa li binli 2011, piiga n cilie 30 daali ke mi lanba tie 2011-1051/PRES/PM/MS/MEF, ki waani Bulikina Faso nni ban baa (fini) poabini o tabo (sigaali) maama ki go diani yaala i tabimuani po leni ban lebidi ki taa yaa masienkaama tili li binli 2019, ciluoba 26 daali ke li lanba tie 2019-0676/PRES/PM/MINEFID/MS/MCIA, ki taani leni Guverinema n taa yaa jaga kuli li tabiñoli(li sigaaliñoli) paanma po, teni ke li tabiñoli yiani yii n den tie 19,8% li binli 2013 wadi ki sedi 13,6% li binli 2021 po.

Laa masienkaama tili lebidima leni yaa masienkaama n tua mi lebidu sugini ki teni li ñandunli nni yaa cagili n moa ki paani li tabiñoli (li sigaaliñoli) balimaama nni li ñoamabonli 11 n bili maama n tieni ki go miadi yaa diema n ye laa cagili nni kuli n taa yaa jaga n baa fidi ki guuni bi niba laafialo.

Ki da (fini) poabini i tabimuani (sigaalimuani) leni bonliba tie yaa jaga n taa ki baa teni o baa n da go ñii o tabo (sigaali) maalima po, bi ñoalimiba po, yaaka nannanliba leni dianiba po ki kuani o yuli li tabiñoli (li sigaaliñoli) nni. Yaala n baa diani i tabimuani (sigaalimuani) po baa tie o tabo (sigaali) yeli leni wan tie maama leni yaa diani n kpengi ki pia ñoaliyenma bebe.

Laa masienkaama tili nni li boncanla tie ke i tabimuani(sigaalimuani) po li bili ke ñoaliyenma yaama n tie gbàà n baa ye leni yaa diani n maadi tiladi li laafiali tundi ti tabituadi (sigaali bondiemu) kuni kani nani 80% kunu kuli kani.

Laa masienkaama tili baa pugini u paalu yaa balimaama n taa o tapo finma po leni yaa diani n baa maani ti tabituadi (sigaali bondiemu) kuni po Bulikina Faso nni lan teni bi niba n wadi li tabiñoli bi laafiali ñamu po.

I.6. YAA KOANBADIEGU N DIIDI MI TAGIMA TUONSOANDIEDI, U KPENDU LENI U NUU TUONSOANBANMA TUONA

A Koanbala Taanli taa **masienkaama tili** ki doagidi Baalo tuonsoanjaana leni yaa tuonsoandiedi n diidi bi niba yema ñamu gobidima caga tuonsoanba ñmapani n baa ñoadi maama.

Ki ñoadi nani Baalo tuonsoanjaana Taancianli yaali n den tieni li binli 2024, ciluoba ki cili 27 daali ki ban juodi 28 daali mi taabualima 32 po n den taa yaa jaga, bi den gagidi ki waani Baalo tuonsoanjaana leni yaa tuonsoandiedi n diidi bi niba yema ñamu gobidima caga tuonsoanba ñmapani n baa yaa ñua yaa sanbila.

Li yaapo li jagili taa ke ban yen biigi ki bandi Baalo tuonsoanjaali kuli bi yaa tuonsoandiegu kuli n diidi bi niba yema ñamu gbamanu n daa maama ligi n kua maama leni a tuona n tuuni maama.

Laa masienkaama tili bua ki teni Baalo tuonsoanjaana leni yaa tuonsoandiedi n diidi bi niba yema ñamu gobidima caga tuonsoanba panpaani n yaa pia li buunmoanli ki go teni mi gobidiñanma n yaa ye ke paadimaba kuli ki ye niloba po laa tuonsoanjaana leni laa tuonsoandiedi nni.

Laa masienkaama tili taama baa teni Baalo tuonsoanjaana caga leni yaa tuonsoandiedi n diidi bi niba yema ñamu gobidima caga liigi yaaba leni yaa niba

nnye laa caga nni kuli panpaani n ŋuadi fuuyenli ke gagidimaba ki ye tuonsoanloba po.

I.7. YAA KOANBADIEGU N DIIDI I SANI TIENMA LENI A DIEGBENGA MAAMA

A Koanbala taanli taa **masienkaama tili** ki bogini i sani tienma leni a diegbenga maama koanbadiegu.

Yaa masienkaama tili n den taa li binli 2024, piiga n cilie ŋmaalo 08 daali leni yaa lanba n tie 2024-1566/PRES/PM ki waani yaa niba n ye Guverinema nni n da maama den lebidi « a diegbenga maama koanbadiegu » yeli ki teni ke ku tua « i sani tienma leni a diegbenga maama koanbadiegu ». Moko, leni Guverinema n go pia yaa yantiali mi banginma leni i ligi kuama tuona po, li pundi ke yaa tuonsoandiegu n die mi bangima sanbila tuona n guani ki bogini.

Laa masienkaama tili taama baa teni i sani tienma leni a diegbenga maama koanbadiegu n baa ku tuona boginma maalima nani mi masienkaama tili 2024-1170/PRES/PM yaama n den taa li binli 2024, cipiiga 04 daali ki doagidi koanbadiegu kuli n baa gagidi ki bogini maama n bili maama.

I.8. A BICEGIDIKAANA COGU LENI MI TUONSOANBANMA BANGIMA KOANBADIEGU

A Koanbala Taanli taa **masienkaama tili** ki tuo ban den guani ki lebidi « Bulikina Suudu Bawde » (BESEBE) tonsoandiegu mabilikaama yaama yeni.

Laa masienkaama tili bua ki ñani yaala n tie poadi yaa masienkaama tili lanba n tie 2023-1443/PRES-TRANS/MSJE/MEFP, ban den taa yaama li binli 2023, cipiiga 25 daali ki doagidi « Burkina Suudu Bawdè » cenli ŋamu mabilikaama.

Laa masienkaama tili taama baa teni « Burkina Suudu Bawde » (BESEBE) tuona n fidi ki yaa cuoni ke li dagidi.

II. I LAABAALITENKE

II.1. Yaa koanbadiegu n diidi ti diema loagu leni i ligi puni a Koanbala Taanli yaa laabaalu n tuugi leni Bulikina Faso gedima Niwu Yoriki dogu nni mi findima ligi ñanma Taancianli po li binli 2025 ki cili cinaa 28 ki ban juodi o 29 daali leni yaa cagili n baa bogini mi tabualinaama (4^e) po mi findima Taancianli li ñandunli nni mi tabualinaama (4^e) po li binli 2025, ki cili cinaa 30 daali ki ban juodi cimuu dancili (1^{er}) daali.

Laa taanciamma mayula tie ki luodi ki go diadi i ligi ñanma jaga sanbila lan teni mi findimoanma tuona n soani tonma i ligi n fidi ki yaa koa yaa dogi n tadi nni.

Amerika diema n bogini laa taanciamma, ke li tie Bulikina po yaa yogunu ke o báá bàà ki waani Guverinema n pia yaa nunlema mi findima po nani ki baa i ligi ki koani ki paadi mi nibiadima tuada mi yanduanma n guani ke u taayenjamu moko ye. Laa taanciamma tienma baa teni ban fidi ki ñoadi yaa jaga n den taa li ñanduli taancianma yogugunu Monteri (Mekisiki diema nni), Doha (Katari diema nni) leni Adisi-Abeba(Etiopi diema nni).

II.2. Mi gaanilindima, mi ñima leni i yianbonfuodi bolinma tuona koanbali puni a Koanbala Taanli yaa laabaalu n tuugi leni mi gaanilindima tuona ligi cagili kuama mi diema cagili yaali n luodi u sanu li fuali tiidi kubima po.

Mi gaanilindima tuona ligi cagili tie Baalo ligi yii ke mi gaanilindima koanbadiegu kubi ki go gobidi yin tuuni yaa tuona, ki den cili hali li binli 2019, cipiiga ñmaalo nni ki miadi ki bua ki kua li fuali tiidi kubima ligi cagili nni, ki yaa baadi li fuali tiidi kubima ligi ke li dingi. Li fuali tiidi kubima ligi gobidima cagili taancianli yaali n den tieni li binli 2025, cilie 18 daali Songido Coredisidi diema nni mi taabualima 41 yogunu, u juogu den tieni ke bi puni u sanu mi gaanilindima ligi cagili n kua li fuali tiidi kubima ligi cagili nni. Lan yaapo n teni ke moala Bulicina Faso ji báá fidi ki bàà ke li faala i ligi todima u yogunu

lebidima tuona po yaa n pia ti ñuadi bi niba yema ñamu po leni mi gaanilindima guudinjanma po.

Mi gaanilindima tuona ligi cagili kuama li fuali tiidi kubima ligi cagili nni baa teni Bulicina Faso n baa i ligi ke li tie todima yaala n pundi **miliadi 20 000 000 000 sefa ligi nni** ne leni 2027 binli ki baa ki soani u yogunu lebidima n bua yaa tuona kuli.

II.3. Ku gbanansaagu jeliti tuona, bi nipanba leni a tuona baama koanbali puni a Koanbala Taanli **i laabaali boncianla**, laa laabaali siiga, i tiami ne :

- **U laabaalu** yaala n tie « i panpaani laani ñiagu badu » boginma mi taabualimuuma (5°) po, li binli 2025, citaa 28 daali Waga dogu nni.

« I panpaani laani ñiagu badu » tie yaa ñiagu ke bi baa gagidi ki jaandi niba **241** leni ban tieni yaa aniali ku gbannansaagu jeliti nni ki taani leni bi canbaanba **76**. Laa niba n baa gaa yaa laani taani ki tie laani **322** ku gbannansaagu jelibuoli nni. Laa ñiagu badu tie yaa yogunu ke mi diema baa gagidi ki jaandi leni bu paabu yaaba n puni bi yula ku gbannansaagu jeliti po leni bi canbaanba.

Mi diema Yudanciamo n baa gobidi laa badu.

- **U laabaalu** yaala n tie ban bogidi yaa taana mi diema nni ku gbannansaagu jeliti po dunli binli 2025, ki cili citaa 31 daali ki ban juodi cimuu 15 daali.

Laa taana mayucianli tie ki teni ku gbannansaagu jeliti n todi bi niba yema leni ku maasuagu findima Bulicina Faso nni. Laa taana yogunu, bi go baa kpaagi ki le yaala n tie poadi ku gbannansaagu jeliti tuona boginma po, laa tuona gobidima po, ti jeliti kaani kaadagidima po leni i ligi baama po.

Laa taana yogunu bi baa kpaagi ki le ban baa tieni maama ki guani ki teni ku gbannansaagu jeliti n findi Bulicina Faso nni ki go gagidi yaa tuona n soana leni

yaa tuona n bua ki soani tiladi, ki nan fidi ki taa a jaga ki paani cayin yaala n tie
paga laa tuona soanma po.

III. BAN DINI YAABA A BALA

III.1. BAN DINI YAABA A BALA NIYENDO TUONA PO

A. BULICINA FASO YUDANCIAMO BADIDIEGU KANI

- O joa Edigari Sié **SU**, o lanba li tuonli nni tie **28 405 X**, ki tie a tinbuona gobidikoa; dini li bali ki tua Bulicina Faso Tondo Barasilia dogu nni (Beresili diema nni) Bulicina Faso leni Beresili diema dalingu po.

B. YAA KOANBADIEGU N DIE TI DIEMA TINBUONA GOBIDIMA LENI A SANCENA TUONA

- O joa Adama **WATARA**, o lanba li tuonli nni tie **247 522 D**, ki tie a tinbuona gobidikoa, dini li bali ki tua tuona sanbila kpaagima liigi yua;
- O joa San **TARAWORE**, o lanba li tuonli nni tie **212 184 Z**, ki tie a tinbuona gobidikoa, dini li bali ki tua a tuona sanbila kpaagima liigi yua;
- O pua Nowéba-I-Mwin Nina Ogusitini **SOMIDA**, o lanba li tuonli nni tie **229 880 A**, ki tie a tinbuona gobidikoa, dini li bali ki tua a tuona sanbila kpaagima liigi yua;

C. YAA KOANBADIEGU N DIIDI BU KPAABU, LI YANWUBILI LENI MI ÑIMA NNI BONPIAKAALA TUONA

- O joa Fiakiri **BASON**, o lanba li tuonli nni tie **214 347 N**, ki tie Naakpakpaaciamo, dini li bali ki tua mi gobidima, li boginli leni mi biigima tuonsoandiegu yaagu n tuugi leni li manli (mi jiema) guudima tuonsoanjaali, canbaa;
- O joa Usimane **SONGO**, o lanba li tuonli nni tie **111 110 S**, ki tie Baalo ligidiedi goandikoa, dini li bali ki tua canbaa, yaa tuonsoandiegu n diidi mi gobidima, mi boginma leni mi tuonsoanbancanma, yaa tuonsoanjaali n tuugi leni bu kpaabu, li yanwubili leni u jankpaanu gobidima kani ;
- O joa Tasire **BUDA**, o lanba li tuonli nni tie **207 913 J**, ki tie u loagu tuona boginma bando, dini li bali ki tua mi bangima, mi lingima, bu kpaabu, li tinguuli, u jankpaanu tuonjaali canbaa yaa tuonsoandiegu n gobidi bu kpaabu tuona sanbila kani.

D.YAA KOANBADIEGU N DIIDI TI DIEMA LOAGU LENI I LIGI

- O joa Abidu Rasagi **MAYIGA**, o lanba li tuonli nni tie **96 940 D**, ki tie Baalo ligidiedi goandikoa, o dini li bali ki tua Baalo ligikubilo, Bale Porovenssi nni;
- O joa Ogusiten **YABIRE**, o lanba li tuonli nni tie **119 304 F**, ki tie Baalo ligidiedi goandikoa, dini li bali ki tua Baalo ligikubilo, Basega Porovenssi nni;
- O joa Buleema **WATARA**, o lanba li tuonli nni tie **216 173 V**, ki tie Baalo ligidiedi goandikoa, dini li bali ki tua Baalo ligikubilo, Kuriweogo Porovenssi nni ;
- O joa Barahima **SIGIRIYUMA**, o lanba li tuonli nni tie **257 125 G**, ki tie Baalo ligidiedi goandikoa, dini li bali ki tua Baalo ligikubilo, Kosi Porovenssi nni ;
- O joa Olivie **SUNDI**, o lanba li tuonli nni tie **294 366 A**, ki tie Baalo ligidiedi goandikoa, dini li bali ki tua Baalo ligikubilo, Nahuri Porovenssi nni ;
- O joa Sahidu **NABALUM**, o lanba li tuonli nni tie **49 089 A**, ki tie Baalo ligidiedi goandikoa, dini li bali ki tua Baalo ligikubilo, Gansurigu Porovenssi nni;
- O joa Borisi Siliven **NITIEMA**, o lanba li tuonli nni tie **303 060 X**, ki tie Baalo ligidiedi goandikoa, dini li bali ki tua Baalo ligikubilo, Suru Porovenssi nni;
- O joa Kirisitofi **BADO**, o lanba li tuonli nni tie **225 070 B**, ki tie Baalo ligidiedi goandikoa, dini li bali ki tua Baalo ligikubilo, Sandoma Porovenssi nni ;
- O pua Romeni Rahisa Fatima Bienvenu **SIDIWENBA**, o lanba li tuonli nni tie **202 686 Y**, ki tie i laabaali tenma tuona tundikoa, dini li bali ki tua i labaali tenma leni yaa tuonsoandiegu n diidi yaala n ña mu tinmu tugu nni tagima tuonsoandiedi cenli ñamu kani cannaa.

- O joa Anburuwaase **WEDIRAWOGO**, o lanba li tuonli nni tie **104 653 N**, ki tie Baalo ligi tuonsoandiedi tuona gobidikoa, dini li bali ki tua u cogu leni mi bancanma lingima ligikubila (FONERI) canbaa;
- O joa Emili **NIKIEMA**, o lanba li tuonli nni tie **294 294 E**, ki tie Baalo ligi tuonsoandiedi tuona gobidikoa, dini li bali ki tua u gbanansaagu leni yanluadi tuona findima ligikubila canbaa ;
- O joa Saliwu **TARAWORE**, o lanba li tuonli nni tie **219 248 N**, ki tie Baalo ligidiegu Gobidikoa, dini li bali ki tua Dumu Ka Fa cagili ligikubila canbaa;
- O joa Usene **SAWADOGO**, o lanba li tuonli nni tie **219 210 H**, ki tie Baalo ligi tuonsoandiedi tuona kpaagikoa, dini li bali ki tua i tiidi bonbi (bonbulikaala) tuonsoandiegu ligikubila (SENESEFI) canbaa;
- O joa Palingiwende Parife **ILIBUDO**, o lanba li tuonli nni tie **294 323 Y**, ki tie Baalo ligidiegu Goandikoa, dini li bali ki tua Faso Kuna Wili cagili ligikubila canbaa ;
- O joa Saliho **KONATE**, o lanba li tuonli nni tie **219 230 E**, ki tie Baalo ligi tuonsoandiedi tuona kpaagikoa, dini li bali ki tua ti yianbidi (bebedima) tuonsoanjaali ligikubila canbaa;
- O joa Salifu **DERA**, o lanba li tuonli nni tie **278 089 Z**, ki tie Baalo ligi tuonsoandiedi tuona kpaagikoa, dini li bali ki tua mi gaanilindima tuona sanbila biigima ligikubila canbaa;
- O joa Evarisiti **KANTAGIBA**, o lanba li tuonli nni tie **55 704 K**, ki tie Baalo ligi tuonsoandiedi tuona kpaagikoa, dini li bali ki tua, mi diema nni yaa tuonsoanjaali n diidi bi niba laafiali, mi gaanilindima, mi jiema, li tuonli leni i lotoñoagidi ligikubila canbaa;
- O joa **Seku KOMI**, o lanba li tuonli nni tie **235 916 M**, ki tie Baalo ligidiegu tuona Goandikoa, dini li bali ki tua mi diema nni u loagu leni biniba yema findima ligikubila canbaa;

- O pua **Polini KURAWOGO**, o lanba li tuonli nni tie **200 055 W**, ki tie Baalo ligi tuonsoandiedi tuona kpaagikoa, dini li bali ki tua, mi tuonsoabandima leni u cogu bangima cagili ligikubila canbaa.

E. LI GUUNLI KOANBADIEGU KANI

- O joa Ajima Abidulasisi **YUONLI**, lanba li tuonli nni tie **111 488 S**, ki tie Polisi Komiseri, dini li bali ki tua ti diema tinkuni polisinba canbaa;
- O joa Pakindisama **WEDIRAWOGO**, o lanba li tuonli nni tie **239 807 L**, ki tie Polisi Komiseri, dini li bali ki tua ti buudi polisinba canbaa.

F. YAA KOANBADIEGU N DIE TI BUUDI LENI O NISAALO N PIA YAA SANBILA, KI TUUGI LENI A TUONSOANJAANA

- O joa Sakima Kirisitofi **SINPORE**, o lanba li tuonli nni tie **212 394 C**, ki tie ti buudi tidianlo, dini li bali ki tua Baalo buudi cagicianli tidianciamo.

G. LI LAADFIAALI KOANBADIEGU KANI

- O joa Palamanga **WOBA**, o lanba li tuonli nni tie **245 646 H**, ki tie lotociamo, dini li bali ki tua Sentidi-Nori Desiyoni logitodieciangu canbaa.

H. YAA KOANBADIEGU N DIIDI ENTERINETI, A TISOANKAANA TUONSOANDIEDI LENI TANKALAFO TUONA

- O joa Borili Miseli Jonasi **SOME**, o lanba li tuonli nni tie **102 929 F**, ki tie a cogibigbenga canbaa, dini li bali ki tua a tidianla canbaanciamo.

I. YAA KOANBADIEGU N DIIDI MI TAGIMA TUONSOANDIEDI, U KPENDU LENI U NUU TUONSOANBANMA TUONA

- o joa li cicipoli Reliwende Faransoa **WEDIRAWOGO**, o lanba li tuonli nni tie **220 704 F**, ki tie u loagu tuona tundikoa, dini li bali ki tua yaa tuonsoandiegu n diidi Bulicina Faso u nuu tuonsoanbanma tuona canbanciamo

J. YAA KOANBADIEGU N DIE A BONWAALA COGU, TI MAAMAAMAAMA COGU LENI TI DIEMA MABUOLI FINDIMA

- O pua Wendilamita Karini Olivia **SIRIYUMA/SUNGARANA**, o lanba li tuonli nni tie **214 976 N**, ki tie tundikoa u cogu leni mi banma diidima nni, dini li bali ki tua ti buudi jama canbaa.

K. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA

- O joa Windemi Sarili **PANTABA**, o lanba li tuonli nni tie **59 016 A**, ki tie gadiforenba tuona Goandikoa, dini li bali ki tua gadiforenba Canbaanciamo Poni Porovensini nni;
- O joa Wendiñesiba Poli Roderigi **NASA**, o lanba li tuonli nni tie **222 097 T**, ki tie gadiforenba tuona Goandikoa, dini li bali ki tua gadiforenba Canbaanciamo Seno Porovensini nni;
- O joa Karim **YEYE**, o lanba li tuonli nni tie **94 590 G**, gadiforenba tuona Goandikoa, dini li bali ki tua gadiforenba Canbaanciamo Sisili Porovensini nni;
- O joa Hama **BUBAKARI**, o lanba li tuonli nni tie **311 823 Y**, ki tie gadiforenba tuona Goandikoa, dini li bali ki tua gadiforenba Canbaanciamo Sunmi Porovensini nni;
- O joa Metewo **MALO**, o lanba li tuonli nni tie **42 855 W**, gadiforenba tuona Goandikoa, dini li bali ki tua gadiforenba Canbaanciamo Suru Porovensini nni;
- O joa Yiendie **LANKOANDE**, o lanba li tuonli nni tie **94 504 A**, ki tie gadiforenba tuona Goandikoa, dini li bali ki tua gadiforenba Canbaanciamo Tapoa Porovinsini nni;
- O joa Nebila Polen **BATIONO**, o lanba li tuonli nni tie **94 548 A**, ki tie gadiforenba tuona Goandikoa, dini li bali ki tua gadiforenba Canbaanciamo Tuyi Porovensini nni;
- O joa Apolineri **WEDIRAWOGO**, o lanba li tuonli nni tie **202 487 D**, ki tie gadiforenba tuona Goandikoa, dini li bali ki tua gadiforenba Canbaanciamo Yaga Porovensini nni;

- O joa Adama **SANRE**, o lanba li tuonli nni tie **327 658 S**, ki tie gadiforenba tuona Goandikoa, dini li bali ki tua gadiforenba Canbaanciamo Yatenga Porovenssi nni;
- O joa Hamade **TARAWORE**, o lanba li tuonli nni tie **202 540 K**, ki tie gadiforenba tuona Goandikoa, dini li bali ki tua gadiforenba Canbaanciamo Siro Porovenssi nni;
- O joa Patindé Abiduli Kaderi **SONGO**, o lanba li tuonli nni tie **109 148 Z** ki tie gadiforenba tuona Goandikoa, dini li bali ki tua gadiforenba Canbaanciamo Sondoma Porovenssi nni;
- O joa lipolieli Adama **KALIMOGO**, o lanba li tuonli nni tie **327 660 E**, ki tie gadiforenba tuona Goandikoa, dini li bali ki tua gadiforenba Canbaanciamo Sundiweogo Porovenssi nni;

I. YAA KOANBADIEGU N DIE KU GBANANSAAGU JELITI TUONA, BI NIPANBA LENI A TUONA BAAMA

- O joa Jan-Batissi **KUNBEM**, o lanba li tuonli nni tie **117 243 D**, ki tie ku gbanansaagu jeliti tuona cogibicanbaa, dini li bali ki tua ku gbanansaagu leni yanluadi jeliti tuona Canbaanciamo Lesi Desiyon nni;
- O joa Seyidu **KABORE**, o lanba li tuonli nni tie **117 250 M**, ki tie ku gbanansaagu jeliti tuona cogibicanbaa, dini li bali ki tua ku gbanansaagu leni yanluadi jeliti tuona Canbaanciamo Ho-Basen Desiyon nni;
- O joa Abiduli Kadidi **BANSE**, o lanba li tuonli nni tie **204 596 Y**, ki tie ku gbanansaagu jeliti tuona cogibicanbaa, dini li bali ki tua ku gbanansaagu leni yanluadi jeliti tuona Canbaanciamo Nori Desiyon nni;
- O joa Abidulaye **SANCE**, O lanba li tuonli nni tie **85 214 V**, ki tie ku gbanansaagu jeliti tuona cogibicanbaa, dini li bali ki tua ku gbanansaagu leni yanluadi jeliti tuona Canbaanciamo palato-Sentarali Desiyon nni;
- O joa Amburoisi **WANGARE**, o lanba li tuonli nni tie **327 612 P**, ki tie ku gbanansaagu jeliti tuona cogibicanbaa, dini li bali ki tua ku gbanansaagu leni yanluadi jeliti tuona Canbaanciamo Sayeli Desiyon nni;

- O joa Adama **KONFE**, o lanba li tuonli nni tie **220 352 Y**, ki tie bi nupanba leni u yogunu kuli cogu Tundikoa, dini li bali ki tua bi nupanba leni a tuona Canbaanciamo Kasikadi Desiyon nni;
- O joa Bêbê Arino **NUFE**, o lanba li tuonli nni tie **304 371 X**, ki tie bi nupanba leni u yogunu kuli cogu Tundikoa, dini li bali ki tua bi nupanba leni a tuona Canbaanciamo Sentiri Desiyon nni;
- O joa Sibiri Félikisi **SUNGARANA**, o lanba li tuonli nni tie **246 611 W**, ki tie bi nupanba leni u yogunu kuli cogu Tundikoa, dini li bali ki tua bi nupanba leni a tuona Canbaanciamo Sentiri-Esi Desiyon nni;
- O pua **HIEN** Nida Balansi **TARAWORE**, o lanba li tuonli nni tie **228 360 L**, ki tie bi nupanba leni u yogunu kuli cogu Tundikoa, dini li bali ki tua bi nupanba leni a tuona Canbaanciamo Sentiri-Nori Desiyon nni;
- O joa Sienbu **SERIBO**, o lanba li tuonli nni tie **97 586 D**, ki tie bi nupanba leni u yogunu kuli cogu Tundikoa, dini li bali ki bi nupanba leni a tuona Canbaanciamo Sentiri-Wesi Desiyon nni;
- O joa Musa **TASENBEDO**, o lanba li tuonli nni tie **216 697 S**, ki tie bi nupanba leni u yogunu kuli cogu Tundikoa, o dini li bali ki tua bi nupanba leni a tuona Canbaanciamo Lesi Desiyon nni;
- O joa Hasani **WEDIRAWOGO**, o lanba li tuonli nni tie **210 950 S**, ki tie bi nupanba leni u yogunu kuli cogu Tundikoa, dini li bali ki tua bi nupanba leni a tuona Canbaanciamo Nori Desiyon nni;
- O pua Pêgi-Wendé Apolini Mari Rolandi **BALIKUMA**, o lanba li tuonli nni tie **324 698 N**, ki tie li tuonli leni mi tuonsoanbanma Tundikoa, dini li bali ki tua bi nupanba leni a tuona Canbaanciamo Palato-Sentarali Desiyon nni;
- O joa Mahamudu **SAWADOGO**, o lanba li tuonli nni tie **303 895 F**, ki tie li tuonli leni mi tuonsoanbanma Tundikoa, dini li bali ki tua bi nupanba leni a tuona Canbaanciamo Sayeli Desiyon nni;

- O joa Fuseni **DISA**, o lanba li tuonli nni tie **212 262 J**, ki tie li tuonli leni mi tuonsoanbanma Tundikoa, dini li bali ki tua bi nupanba leni a tuona Canbaanciamo Sidi-Wuesi Desiyon nni;
- O joa Musa **SERE**, o lanba li tuonli nni tie **259 739 D**, ki tie li tuonli leni mi tuonsoanbanma Tundikoa, dini li bali ki tua bi nupanba leni a tuona Canbaanciamo Bukilidi Muhunni Desiyon nni;
- O joa Ferinan **KABORE**, o lanba li tuonli nni tie **46 481 X**, ki tie a cogibicegidikaana canbaa, dini li bali ki tua ku gbanansaagu leni yanluadi jeliti tuona Canbaanciamo Sentiri-Sidi Desiyon nni;
- O joa Jakobo **SIA**, o lanba li tuonli nni tie **237 928 F**, ki tie li tuonli leni mi tuonsoanbanma Tundikoa, dini li bali ki tua bi nupanba leni a tuona Canbaanciamo Sentiri-Sidi Desiyon nni;
- O joa Dendewoli Iminasi **SOMIDA**, o lanba li tuonli nni tie **117 340 K**, ki tie bi nupanba leni u yogunu kuli cogu Tundikoa, dini li bali ki tua a tuona sanbila Liigi yua;
- O joa Bagora **BADO**, o lanba li tuonli nni tie **237 911 G**, ki tie ku gbanansaagu leni ti jeliti cogibicanbaa, dini li bali ki tua u gbanansaagu yuakuli po Liigi yua.

III.2. BAN DINI YAABA A BALA A TUONSOANJAANA YELI PO

A koanbala taanli baa ban dini yaaba a bala a tuonsoanjaana gobidima po:

- yaa tuonsoanjaali n tuuni bi niba kuli ligi po (ANPEFI) kani yaa koanbadiegu n diidi ti diema loagu leni i ligi yeli po;
- Banfora lotodieciangu kani li laafiali koanbadiegu yeli po;
- Jilijili tuonsoanjaali (SITARAYI) kani yaa koanbadiegu n diidi i sani tienma leni a diegbenga maama yeli po ;
- Mi wulagbima tuonsoanjaana Tapariko Miningi SA leni RIVESITONNI KARIMA SA kani yaa koanbadiegu n diidi kuuran tuona leni ki tinga tugu nni piama yeli po;
- I ligi tuonsoandiegu yaagu n todi bi niba ke bi baadi mi tuonsoanbanma leni mi bangima (FAFIPA) kani a bicegidikaana cogu leni mi tuonsoanbanma bangima koanbadiegu yeli po;
- Kolesinba leni liseenba cogicanbaanba leni a bonwaala cogicanbaanba gobidikaaba cogidiecianli kani yaa koanbadiegu n die a cogibigbenga cogu leni mi bancanma linginma tuona yeli po;
- Bulicina tuonsoanjaali yaali n puuni i tundi ki go baadi li diemaali leni i dociami n̄anbima puogili (AKOMODI-BULICINA) kani yaa koanbadiegu n die i dociami boginma leni a dieduankaana maama yeli po;
- Lipitako ñima tuonjaali kani yaa koanbadiegu n diidi mi gaanilindima, mi ñima leni i yianbonfuodi bolinma tuona yeli po.

Moko, a koanbala taanli baa ban dini yaaba li bali ke bi tua a tuona boginma caga liigiyaaba yaa tuonsoanjaali n tuuni bi niba kuli ligi po (ANPEFI) kani, i ligi tuonsoandiegu yaagu n todi bi niba ke bi baadi mi tuonsoanbanma leni mi

bangima (FAFIPA) kani leni Kolesinba leni liseenba cogicanbaanba leni cogicanbaanba gobidikaaba cogidiecianli kani.

A. YAA KOANBADIEGU N DIIDI TI DIEMA LOAGU LENI I LIGI

A koanbala taanli taa **masienkaama tila lie (02)**.

Li masienkaama tikpiali dini yaa niba n tie ne li bali ke bi tua a tuona gobidikaaba yaa tuonsoanjaali n tuuni bi niba kuli ligi po (ANPEFI) tuona gobidikaaba cagili nni li bakpiali nni bina taa (03) po.

YAABA N TUA A TUONA GOBIDIKAABA BAALO YELI PO

Ku Cicikoanbadiegu kani:

- Usimaani **SONGO**, joa, o lanba li tuonli nni tie **247 192 F**, o tie u loagu tuona tundikoa.

yaa koanbadiegu n diidi ti diema loagu leni i ligi:

- Erinesi **KABORE**, joa, o lanba li tuonli nni tie **91 269 A**, o tie baalo ligidiedi goandikoa;
- Donasien **SONGO**, joa, o lanba li tuonli nni tie **111 073 A**, o tie li lubigaali goandikoa.

yaa koanbadiegu n die ku gbanansaagu jeliti tuona, bi nipanba leni a tuona baama:

- Sasiemiké Abidul Kadeeri **SOMA**, joa, o lanba li tuonli nni tie **334 002 G**, iniverisite cogicanbaa.

Mi niñingbadima leni toriyaba koanbadiegu:

- Beritaran **SAWADOGO**, joa, o lanba li tuonli nni tie **200 261 R**, o tie Baalo ligi tuonsoandiedi gobidikoa.

Bu kpaabu, li yanwubili leni mi ñima nni bonpiakaala koanbadiegu:

- Adama **SANKARA**, joa, o lanba li tuonli nni tie **118 353 X**, o tie bu kpaabu tuona tundikoa.

**YAABA N TUA A TUONA GOBIDIKAABA BULICINA FASO NNI I
LIGI TUONSOANDIEBILA CAGILI YELI PO**

- Ariyewonni Inosan **SOME**, o tie Kesi popileri ligidiena cagili yudaano duogili.

**YAABA N TUA A TUONA GOBIDIKAABA YAA TUONSOANJAALI N
TUUNI BI NIBA KULI LIGI PO (ANPEFI) TUONSOANBA YELI NNI**

- TANKPANI pua Esitelli Mari Sandirini **WEDIRAWOGO**, o lanba li tuonli nni tie **210 026 Z**, o tie ku danligu sanbila nni tuonsoanlo.

Mi masienkaama tilieli dini li bali Erinesi **KABORE**, joa, o lanba li tuonli nni tie **91 269 A**, ki tie baalo ligidiedi goandikoa, ke wan tua yaa tuonsoanjaali n tuuni bi niba kuli ligi po (ANPEFI) tuona gobidikaaba liigiyua li bakpiali nni bina taa (03) po.

B. LI LAAFIALI KOANBADIEGU

A koanbala taanli taa **masienkaama tili** ki dini yaa niba n tie ne li bali ke bi tua a tuona gobidikaaba yaa tuonsoanjaali n tuuni bi niba kuli ligi po (ANPEFI) tuona gobidikaaba cagili nni li bakpiali nni bina taa (03) po.

YAABA N TUA A TUONA GOBIDIKAABA BAALO YELI PO

Li laafiali koanbadiegu kani:

- Siemile Kilema **MEDA**, joa, o lanba li tuonli nni tie **80 507 H**, o tie baalo lotogbengili.

YAABA N TUA A TUONA GOBIDIKAABA KASIKAADI DESIYON DELEGASON SIPESIALI YELI PO

- Hamadu **DIKO**, joa, o lanba li tuonli nni tie **304 102 R**, o tie a tinbuona gobidikoa.

C. YAA KOANBADIEGU N DIIDI I SANI TIENMA LENI A DIEGBENGA MAAMA

A Koanbala Taanli taa **masienkaama tili** ki dini li bali Fiidimen **BAGORO**, o lanba li tuonli nni tie **119 811 B**, ki tie u loagu tuona tundikoa, wan tua Baalo n soani yua ke wan yaa tie a tuona gobidikoa jilijili tuonsoanjaali (SITARAYI) tuona gobidikaaba cagili nni yaa koanbadiegu n diidi i sani tienma leni a diegbenga maama yeli nni, bina taa (03) po.

D. YAA KOANBADIEGU N DIIDI KUURAN TUONA LENI KI TINGA TUGU NNI PIAMA

A koanbala taanli taa **masienkaama tila lie (02)**.

Masienkaama tikpiali dini yaa niba n tie ne li bali ke bi tua a tuona gobidikaaba baalo yeli po mi wulagbima tuonsoanjaana Tapariko Miningi SA tuona gobidikaaba cagili nni li bakpiali nni bina taa (03) po.

yaa koanbadiegu n diidi ti diema loagu leni i ligi kani:

- Sisilen Williampi **TOWE**, o lanba li tuonli nni tie **119 323 N**, o tie baalo ligi tuonsoandiedi gobidikoa.

Yaa koanbadiegu n diidi kuuran tuona leni ki tinga tugu nni piama:

- Dakisiwenkuni Eme Césaire **SANGIRE**, o lanba li tuonli nni tie **58 453 W**, o tie baalo ligidiedi goadikoa, ki tua yua lebidi Atanasi BUDA.

Masienkaama tikpiali dini yaa niba n tie ne li bali ke bi tua a tuona gobidikaaba baalo yeli po mi wulagbima tuonsoanjaali Tapariko Miningi SA tuona gobidikaaba cagili nni li bakpiali po bina taa (03) siiga.

Mi masienkaama tilieli dini li bali Mamadu **SERE**, joa, o lanba li tuonli nni tie **39 652 W**, o tie baalo ligidiedi goandikoa, ke wan tua baalo po mi wulagbima tuonsoanjaali RIVESITONNI KARIMA SA tuona gobidikaaba cagili nni li bakpiali nni bina taa (03) po, o lebidi Bubakali SANGARE.

E. A BICEGIDIKAANA COGU LENI MI TUONSOANBANMA BANGIMA KOANBADIEGU

A koanbala taanli taa **masienkaama tila taa (03)**.

Masienkaama tikpiali dini yaa niba n tie ne li bali ke bi tua a tuona gobidikaaba i ligi tuonsoandiegu yaagu n todi bi niba ke bi baadi mi tuonsoanbanma leni mi bangima (FAFIPA) tuona gobidikaaba cagili nni li bakpiali po bina taa (03) siiga.

YAABA N TUA A TUONA GOBIDIKAABA BAALO YELI PO

A bicegidikaana cogu leni mi tuonsoanbanma bangima koanbadiegu:

- Batelemi **BADIELI**, joa, o lanba li tuonli nni tie **246 742 U**, o tie tundikoa a tuona lingima leni mi tuonsoanbanma bangima nni ;
- **KONPAWORE** Solansi **TALIWALI**, pua, o lanba li tuonli nni tie **54 530 K**, o tie Kolesinba leni liseenba cogicanbaanba goandikoa.

Yaa koanbadiegu n diidi ti diema loagu leni i ligi :

- Salifu **SAWADO**GO, joa, o lanba li tuonli nni tie **208 034 K**, Baalo ligidiedi goandikoa.

YAABA N TUA A TUONA GOBIDIKAABA BULICINA NNI BONCELI DANBA TUONSOANJAANA YUDANBA CAGILI YELI PO

- **SUNDI** pua Mari Josefa **ILIBUDO** ;
- Seyidu **GANAME** ;
- Wendi-Lasida Miselini Edivisi **SONGO**.

Masienkaama tilieli goa ki pandi yaa niba n tie ne bali ke bi tua a tuona gobidikaaba i ligi tuonsoandiegu yaagu n todi bi niba ke bi baadi mi tuonsoanbanma leni mi bangima (FAFIPA) tuona gobidikaaba cagili nni ; bi taa laa masienkaama tili ki waani yaa tuonli n bi tuuni hali li binli 2014 cimuu dayenli.

YAABA N TUA A TUONA GOBIDIKAABA BAALO YELI PO

Yaa koanbadiegu n diidi mi tagima tuonsoandiedi, u kpendu leni u nuu tuonsoanbanma tuona:

- Mamuudu **RUANBA**, joa, o lanba li tuonli nni tie **212 625 L**, o tie u loagu tuona tundikoa.

YAABA N TUA A TUONA GOBIDIKAABA FAFIPA TUONSOANBA YELI PO

Benewende Eriki **WEDIRAGO**, joa, o lanba li tuonli nni tie **00 21 C**, o tie mi bangima todikoa.

YAABA N TUA A TUONA GOBIDIKAABA BI TUONSOANBA CAGICIANLI YELI PO

- Yendawogo Sorisi **SAMINE**.

Mi masienkaama titaali dini li bali Saalifu **SAWADOGO**, joa, o lanba li tuonli nni tie **208 034 K**, o tie baalo ligidiedi goandikoa, ke wan tua mi tuonsoanbanma leni mi bangima (FAFIPA) tuona gobidikaaba liigiyua bayenli bebe po bina taa (03) po.

F. Yaa koanbadiegu n die a cogibigbenga cogu leni mi bancanma linginma tuona

A koanbala taanli taa **masienkaama tila taa (03)**.

Masienkaama tikpiali dini yaa niba n tie ne li bali ke bi tua a tuona gobidikaaba Kolesinba leni liseenba cogicanbaanba leni a bonwaala cogicanbaanba gobidikaaba cogidiecianli tuona gobidikaaba cagili nni li bakpiali po bina taa (03) siiga.

YAABA N TUA A TUONA GOBIDIKAABA BAALO YELI PO

Yaa koanbadiegu n diidi baalo saliwuudo, a tuona leni bi tuonsoanba yema ŋamu:

- Samison **TALIWALI**, joa, o lanba li tuonli nni tie **117 006 Z**, o tie bi niba leni ti tuonsoandiedi gobidima tundikoa.

Yaa koanbadiegu n die a bonwaala cogu, ti maamaamaama cogu leni ti diema mabuoli findima:

- Mariseli **JIGIMA**, joa, o lanba li tuonli nni tie **40 321 E**, iniverisite cogicanbaa.

YUA N TUA A TUONA GOBIDIKAABA COGIBILA CANBAANBA YELI PO

- **TAPISOBA** pua Mayure Editi **ILIBUDO**, o lanba li tuonli nni tie **256 266 H**, iniverisite cogicanbaa.

YAABA N TUA A TUONA GOBIDIKAABA BI TUONSOANBA CAGILI YELI PO

- Nisan **KOYIWO**, joa, o lanba li tuonli nni tie **162 396 T**, iniverisite cogicanbaa.

Masienkaama tilieli goa ki pandi yaa niba n tie ne bali ke bi tua a tuona gobidikaaba Kolesinba leni liseenba cogicanbaanba leni a bonwaala cogicanbaanba gobidikaaba cogidiecianli tuona gobidikaaba cagili nni li bajuodikaali po bina taa (03) siiga.

YAABA N TUA A TUONA GOBIDIKAABA BAALO YELI PO

Yaa koanbadiegu n die a cogibigbenga cogu leni mi bancanma linginma tuona :

- Samueli **PARE**, joa, o lanba li tuonli nni tie **110 909 A**, iniverisite cogicanbaa ;
- Monsieur Saturnin **BATIONO**, joa, o lanba li tuonli nni tie **212 347 R**, u loagu leni mi findima tundikoa.

Yaa koanbadiegu n diidi ti diema loagu leni i ligi :

- Mabudu **KEKELE**, joa, o lanba li tuonli nni tie **46 224 Y**, baalo ligidiedi goandikoa.

YAABA N TUA A TUONA GOBIDIKAABA INIVERISITENBA TUONSOANBA YAABA N KI TIE COGICANBAANBA YELI PO

- Miseli **BANBARA**, joa, o lanba li tuonli nni tie **343 624 K**, u cogu saliwuudi diedi ligi leni li tiadi bonkubilo.

Masienkaama titaali guani ki pandi Samueli **PARE** bali, joa ke o lanba li tuonli nni tie **110 909 A**, ki tie iniverisite cogicanbaa, ke o baa tie a tuona Gobidikoa Kolesinba leni Liseenba cogicanbaanba leni a bonwaala cogicanbaanba gobidikaaba cogidiecianli tuona gobidima cagili kani, ki kan ji mibidi bina taa (03).

G. YAA KOANBADIEGU N DIIDI MI GAANILINDIMA, MI ÑIMA LENI I YIANBONFUODI BOLINMA TUONA

A Koanbala Taanli taa **masienkaama tili** ki dini li bali Mohamedi **KABIRE**, o lanba li tuonli nni tie **379 541 A**, ki tie mi ñima tuona leni a koajaana tiadi baama bandiciamo, ke wan kua bi tuonsoanba yeli po Lipitako ñima tuonsoanjaali tuona gobidikaaba cagili nni li bakpiali po bina taa (03) siiga, o lebidi Jan Modesi **BANDE**.

H. YAA KOANBADIEGU N DIE I DOCIAMI BOGINMA LENI A DIEDUANKAANA MAAMA

A koanbala taanli taa **masienkaama tili** ki dini yaa niba n tie ne li bali ke bi tua a tuona gobidikaaba Bulicina tuonsoanjaali yaali n puuni i tundi ki go baadi li diemaali leni i dociami ñanbima puogili (**AKOMODI-BULICINA**) tuona gobidikaaba cagili nni li bakpiali po bina taa (03) siiga.

Yaa koanbadiegu n die i dociami boginma leni a dieduankaana maama:

- Kañiendia Seki Umalu **TALIWALI**, o lanba li tuonli nni tie **308 432 P**, o tie li tanmaali bandiciamo, o lebidi o joa Ibulaama **NEBIE**.

Yaa koanbadiegu n diidi ti diema loagu leni i ligi:

Sulemaani **ULA**, o lanba li tuonli nni tie **119 291 L**, o tie baalo ligidiedi goandikoa, o lebidi o joa Simewon BONTOGO.

Gufenema Masoagindo

Le Porte-parole du Gouvernement,



www.sig.gov.bf



Pingdwendé Gilbert OUEDRAOGO

Chevalier de l'Ordre de l'Étalon

Pengidiwende Silibeedi WEDIRAWOGO

O baa Baalo jaandi leni Tanjoa maalim